



Broj: 08-1914/14
Sarajevo, 28.05.2014. godine

**SVIM LEASING DRUŠTVIMA U
FEDERACIJI BiH,
UDRUŽENJU DRUŠTAVA ZA LIZING
U BiH
Fra Andjela Zvizdovića 1, A/8
71000 Sarajevo**

Predmet: Instrukcija za postupanje leasing društava u vezi elementarnih nepogoda

Poštovani,

Imajući u vidu trenutnu situaciju u BiH nastalu usljed elementarnih nepogoda, kao i tešku situaciju u kojoj se nalazi stanovništvo i pravni subjekti na područjima pogođenim elementarnom nepogodom, molimo Vas da u narednih 7 dana od dana primitka ovog dopisa dostavite u Agenciju za bankarstvo FBiH (Sektor za nadzor poslovanja lizing društava) preliminarnu procjenu broja i iznosa lizing ugovora po područjima poslovanja (po općinama) za koje je izvjesno da mogu doći u rizik neplaćanja usljed šteta pretrpljenih elementarnom nepogodom ili ugovora (klijenata) za koje već imata saznanja o pretrpljenoj šteti (obrazac u prilogu dopisa), kao i pregled organizacionih dijelova leasing društava koja se nalaze u ugroženom području.

Nadalje, napominjemo da su lizing društva u obavezi da u narednom periodu po svim lizing ugovorima zaključenim sa klijentima koji su pretrpjeli štetu u područjima pogođenim elementarnom nepogodom, a koji će biti reprogramirani, restrukturirani ili u statusu moratorija, obezbjede adekvatnu dokumentovanost štetnog događaja, te da navedena potraživanja u vlastitim evidencijama kategorišu kao potraživanja sa posebnim statusom. Istovremeno, neophodno je internim aktima detaljno definisati postupanje i vrednovanje po navedenim potraživanjima.

Lizing društva su u obavezi da u skladu sa svojim internim aktima, procjenom upravljačkih funkcija, vlastitim finansijskim mogućnostima i mogućnostima korisnika leasinga ulože sve napore kako bi korisnicima lizing usluga koji su pretrpjeli štete u elementarnoj nepogodi omogućili prihvatljive i adekvatne uslove otplate postojećih potraživanja u skladu sa profesionalnim i moralnim načelima, kao i da dosljedno provode odredbe zakonske regulative koja se odnosi na zaštitu potrošača finansijskih usluga.

S poštovanjem,

DIREKTOR

Zlatko Barš



Prilog: Izvještaj o rizičnom portfelju nastalom uslijed elementarnih nepogoda

